

ՔԱՐԱՇԱՄԲԻ ԹԱՍԱԶԵՎ ԲԵՐԱՆՈՎ ՍԱՓՈՐՆԵՐԻ ՄԱՍԻՆ

Հայաստանում և հարակից շրջաններում ուշ բրոնզի դարում լայնորեն տարածված երկարավիզ սափորների մեջ առանձնանում է մի տարբերակ՝ թասանման բերանով սակավաթիվ սափորները: Մ. թ. ա. II հազ. II կեսի խեցեղենին բնորոշ ձևերի, համաչափությունների, չափերի, պատրաստման եղանակի ու նախազարգման հետ մեկտեղ սրանք ունեն նաև առանձնահատուկ մի հատկանիշ՝ դրանց վզի վերին մասը լայնացված է և ունի քրեղանի կամ թասի ձև: Ըստ երևույթին, այդ մասը կիրառական նշանակություն չունի և կրում է դեկորատիվ բնույթ, դուրս համաժամանակյա ծիսական խեցանոթների (կերոսների) յուրօրինակ արձագանք է: Դատելով հրատարակված ու թանգարաններում պահվող նյութերից, թասաձև բերանով սափորների ամենավաղ նմուշները հայտնի են Մեծամորից², Լոռի-Բերդից³, Արևելյան վրաստանի որոշ հուշարձաններից⁴ և թվագրվում են ուշ բրոնզի դարով: Սակայն վերջին տվյալները թույլ են տալիս այս անոթների առաջացման ժամանակը փնտրել բրոնզի դարի ավելի վաղ փուլերում: Քարաշամբի դամբարանադաշտի հարավային հատվածում պեղված № 45 ա միջինբրոնզեդարյան դամբարանում (մ. թ. ա. XVIII—XVII դդ.) բազմաթիվ խեցանոթների թվում գտնվեց մի եզակի, կարմիր, անզորապատ, գունազարդ սափոր (աղ. 1, նկ. 1): Այն ունի լայն, հարթ հատակ, գնդաձև իրան ու զլանաձև վիզ, որի վերին մասը թասաձև է՝ կլոր, ներս թեքված կողերով և թույլ արտահայտված շուրթով: Կարմիր հիմնագույնի վրա սև ներկով արված հարուստ գունազարդումը պատում է ամբողջ սափորը, բացառու-

թյամբ ստորին մասի: Թասանման բացվածքի շուրթի տակով անցնում է համակենտրոն կիսաշրջաններից կազմված զարդագոտի: Վիզը վերից վար զարգարված է ուղղահայաց, ալիքաձև և ուղիղ գծերի փնջերով ու մասն շրջանակներով: Իրանը վիզից կտրուկ անշատող ուռուցիկ գոտու վրայով անցնում է հորիզոնական ալիքաձև գիծ: Իրանի վերին մասը պատված է անկյուններով միացած թեք ալիքներով լցված շեղանկյունների երկշար ժապավենով: Դատարկ մնացած դաշտերը, ինչպես նաև ստորին շարքի շեղանկյունների ծայրերը զարդարված են օղակներով: Բացի այդ, ժապավենի ստորին մասից «կախված են» վզի նախազարդումը կրկնող գծերի փնջեր, ինչպես վերը նշվեց, նկարագրված անոթը եզակի է, սակայն նրա ձևարանական (լայն, հարթ հատակ, գնդաձև իրան, զլանաձև վիզ, իրանը վիզից անջատող ուռուցիկ գոտի⁵ և այլն), տեխնոլոգիական (խեցու բաղադրություն, անոթի տարբեր մասերի միացման եղանակ, կարմիր անգոր, սև ներկով զարդարում և այլն) և հարդարման (վզի ուղղահայաց գծալիս զարդարում, ալիքաձևով շեղանկյունների ժապավեններ և այլն) հատկանիշները բազմաթիվ գուգահեռներ ունեն միջին բրոնզի դարի սեփական-ուղեբերիկյան տիպի գունազարդ խեցեղենի հետ:

Առանձին հետաքրքրություն է ներկայացնում ուսումնասիրվող սափորի վերին հատվածում եղած թասաձև մասը: Այն իր ձևով ու նախադարձով կրկնում է Հայաստանի ու Անդրկովկասի միջին բրոնզեդարյան հուշար-

¹ Հնարավոր է նաև, որ ծիսական նպատակով իրար վրա դրվող անոթների նմանեցումը լինի:


² Է. Վ. Խանգաղյան, Կ. Հ. Մերկուրյան, Է. Ս. Պարսամյան, Մեծամոր, Երևան, 1973, էջ 28, նկ. 27, Մեծամորի թանգարան, գ. մ. № 17/122:

³ Ս. Գ. Դեվեդյան, Լորն-Բերդ 1, Երևան, 1981, ս. 47, տաբլ. XVI:


⁴ Կ. Ն. Փիցխելաური, Восточная Грузия в конце бронзового века, Тбилиси, 1979, տաբլ. XXX:

⁵ Այս հատկանիշն ալիքի բնորոշ է Թեղթկիրովականյան հնագիտական մշակույթի խեցեղենին (տե՛ս Л. Жоржикашвили, Э. Гогадзе, Памятники Триалети эпохи ранней и средней бронзы, Тбилиси, 1974, табл. 83—702, 85—719, 97—882, 108—772; Ս. А. Есаян, Древняя культура племен северо-восточной Армении, Ереван, 1976, с. 102, табл. 83—1,2):

⁶ Կ. Խ. Կուշнарева, Севано-узержская культура периода средней бронзы на территории Южного Кавказа (Культурное наследие Востока, Л., 1985, с. 89—105):



ԱՂՅՈՒՆԱԿ Ի 1



ՎՇՅՈՍՈՒՄ ԻԻ

ձաններից հայտնի լայն հատակով, կլորացող կողերով ու թույլ արտահայտված շուրթով գունազարդ թաս-քրեղանները, զարդարված շուրթի տակ անցնող համակենտրոն կիսաշրջանների շարքերով⁷։

Պետք է նշել, որ միջին բրոնզեդարյան խեցեղենի մեջ Փարաշամբի սափորի ձևաբանական դուզահնոր հայտնի է Գառնիից, որտեղ հայտնաբերվել է «գորշագույն կրկնակնուճ, վերին թասանման մասով և ուռուցիկ իրանով»⁸։

Վրի վերին մասի ղեկորատիվ բացվածքով սափորի մեկ այլ օրինակ է հայտնաբերվել Փարաշամբի № 174 դամբարանում (աղ. 1, նկ. 2)։ Եղակի նյութեր պարունակող այս դամբարանը թվագրվում է ուշ բրոնզի դարի վաղ փուլով (մ. թ. ա. XV դ.)⁹։ Ուսումնասիրվող տարբերակին վերաբերող անոթը օժտված է այդ ժամանակաշրջանի խեցեղենին բնորոշ հատկանիշներով։ Այն սև, փայլեցրած սափոր է, ցածր, ուռուցիկ իրանով, ղեկավոր ուսերով, որոնք սահուն միանում են բարձր վրին։ Վրի վրե, ղեպի վեր նեղանալով, ավարտվում է փոքր անոթի տեսք ունեցող հատվածով։ Սափորը վրից վար զարդարված է փայլանախշով, իսկ ուսերի վրա խորագիր հորիզոնական դրձեր է կրում։ Վերին փոքր անոթի տեսքով ղեկորատիվ մասն ունի դուրս ճկված շուրթ և զարդարված է խորագիր ակոսներով։ Ձևով ու հարդարումով այն շատ է նմանվում Վերին նավերից հայտնի մ. թ. ա. XV դ. վերաբերող կերոսի և արկղաձև բուրանոթի վրա եղած փոքր անոթներին¹⁰։

Փարաշամբի ուշ բրոնզի դարի հետազա

փուլերին (մ. թ. ա. XIV—XII դդ.) վերաբերող երեք դամբարաններից հայտնաբերվել են թասանման բերանով սափորների մեկական օրինակ (աղ. 1, նկ. 3—5)։ Սրանք հարում են Մեծամորի (աղ. II, նկ. 1), Պերերի, Սասունիկի (աղ. II, նկ. 3)¹¹ վերը նշված նույնատիպ սափորներին։ Բոլորն էլ, կրկնելով հիշված ժամանակաշրջանի երկարավիզ սափորներին բնորոշ ձևերն ու հարդարանքը, վրի վերին մասում դարձյալ թասաձև են։ Այդ մասերը նույնությամբ կրկնում են համաժամանակյա քրեղանների ձևերը՝ լայն և ցածր մերձհատակային մասով, իրանի ստորին մասից ղեպի վեր կտրուկ անցումով, ուղիղ կամ ներս թեքված կողերով, դուրս ճկված շուրթով։

Թասանման վերջավորությունները ավելի թույլ արտահայտված ձևով երբեմն հանդիպում են նաև վաղ երկաթի դարի և մ. թ. ա. I հազարամյակի կեսի խեցեղենի վրա, նույնպես կրկնելով իրենց ժամանակին բնորոշ քրեղանների ձևերը [Փարի դուխ (աղ. II, նկ. 5)]¹², Ախմախի¹³, Լոռի (աղ. II, նկ. 4)¹⁴, Կալ-բար (աղ. II, նկ. 2)¹⁵։ Թասաձև կամ քրեղանաձև այս մասերի պատրաստման եղանակը նկարագրված բոլոր անոթների համար հիմնականում նույնն է. դրանք առանձին էին պատրաստվում և ապա միացվում սափորի վրին։ Ուսումնասիրված նյութերի, հատկապես նույն հուշարձանում (Փարաշամբ) մեկը մյուսին փոխարինած հնագիտական մշակույթներին պատկանող սափորների համադրումը բացահայտում է դրանց միջև եղած տիպաբանական ակներև կապը։ Այսպիսով հաստատվում է միջին և ուշ բրոնզի դարի մշակույթների մեջ եղած ևս մեկ կապող օղակ։

Վ. Է. ՀՈՎՀԱՆՆԻՍՅԱՆ

7 Б. А. Куфтян, Археологические раскопки в Тriaлетн, Тбилиси, 1941, табл. LXXXI; К. Х. Кушнарeвa, Тазакендский могильник в Армении («Советская архeология», 1960, № 1, с. 141—142, рис. 3—7); է. Վ. Խանզադյան, Էլառ-Դարանի, Երևան, 1979, դուս. նկ. 1—3։

8 է. Վ. Խանզադյան, Գառնի IV, Երևան, 1969, էջ 64։

9 Պեղումները Յ. Մ. Մուրադյանի և հեղինակի նյութերը պատրաստվում են հրատարակման։

10 2. Ե. Սիմոնյան, Ուշ բրոնզի դարի պաշտամունքային անոթներ Վերին նավերի դամբարանադաշտից (Հայաստանի մշակույթի և արվեստի պրոբլեմներին նվիրված հանրապետական դիտական VI կոնֆերանս, Զեկուցումներ թեզիսներ, Երևան, 1987, էջ 55—56)։

11 Սասունիկի պեղումները՝ Ն. Ենգիբարյանի։ Շեռհակալուծյուն ենք հայտնում նյութը տրամադրելու համար։

12 С. А. Есаян, նշվ. աշխ., էջ 147—148, աղ. 137a, նկ. 7։

13 2. Ա. Մարտիրոսյան, Ուշ բրոնզե դարյան բնակավայրեր և դամբարանադաշտեր, Երևան, 1969, աղ. LII, նկ. 6։

14 С. Г. Деведжян, նշվ. աշխ., էջ 71, նկ. 30, աղ. XXVII—1։ Լոռի տարածքից հայտնի է թասաձև բերանով ևս մեկ սափոր՝ պատահաբար գտնված շինարարական աշխատանքների հետևանքով ավերված դամբարանից (աղ. II, նկ. 6)։ Պահվում է Էրեբունիա թանգարանում՝ դ. մ. № 111/14։

15 С. А. Есаян, նշվ. աշխ., էջ 82, աղ. 68, նկ. 8։